

荀以一死求名者哉世有訾議孝子者子獻其以此義
曉之可矣

浙江海甯州知州惲公家傳

惲公諱敷字子寬別字遜堂江蘇武進人明時有湖廣
按察司副使諱巍者以忤劉瑾知名公之十世祖也父
諱輪字印槐積學工爲文而不得志於有司垂老猶不
籍於學官則盡以所學授其二子其長子諱敬字子居
能爲古文詞所著大雲山房集學者宗之世稱簡堂先
生者是也公則其次子與簡堂先生互相砥礪嘗曰吾
兄綜貫三才吾但欲通知人事耳乾隆五十九年應順

天鄉試中式旋以知縣注選籍逾數年 天子命王
大臣選其材之可用者而公在一等以知縣分發浙江
嘉慶二十三年權知歸安縣其明年權臨安未幾又權
定海是時定海未爲直隸廳猶以縣隸甯波府而斗絕
海外爲重鎮額設兵五千邑子之剽悍者竄名軍籍中
則凌轢鄉里不可制公至痛治之又爲清釐田畝民大
悅服及受代去爲立生祠焉道光二年宣平縣闕員公
以次當補會嘉湖兩郡大水而嘉興所屬之嘉善地尤
卑下被害重浙江巡撫帥公曰是非憚君莫能治乃調
補嘉善公請於大府發錢粟振之又勸邑中富民爲粥

以食餓者日坐小舟行四鄉溺者拯之棺槨漂沒者餉
撈而出之民間男女乏食者如于人戶知之故所賚錢
米無虛者事定辜較其數籍以示人命之曰徵信錄其
計口授食外每日必增與一錢不入籍外此胥吏廩食
及簿書之費亦不入籍數且鉅萬或爲公難之公曰此
窮民活命之錢可他用乎苟得多活一民則吾受其累
無恨也及冬當漕請緩大吏皆曰湖州所屬之歸安烏
程災與嘉善尚彼皆漕此獨緩不可公爭曰湖擅蠶桑
之利蠶既登民未大困嘉善以陶埴爲業四境皆水陶
者失業災雖等於湖民之困倍於湖爭不已卒緩嘉善

潘公敏於事而性仁恕事母鄭夫人至孝每笞囚必貸其五日吾爲太官人貸汝也於獄囚夏必使人糞除其室冬則衣以繡絮食以糜粥曰太官人所賜也有母訴其子不能奉養者公留其母子於署中母見鄭夫人勤儉如寒素時則大悔子見公年五十餘而事鄭夫人婉孌若孺子泣曰吾乃非人子也亦大悔其後母子皆以慈孝聞公聽訟必坐堂皇縱民觀聽每決一獄民間率傳述之至今嘉善之民猶能言其數事其一爲錢氏子至縣應試館某氏樓下樓有女悅之投書與期錢許故去有屠者陸姓得其書如期往旣登樓卽滅燈及出爲

女父母所覺逐之陸山刃擊殺其父遯去其家訟錢氏
子殺人公察錢非殺人者問女曰鐙旣滅矣安知爲錢
氏子其身亦有斑痕可辨識乎女曰其醫有痛驗錢無
有公使人物色於浴堂得陸屠一訊而服又其一有民
某甲者與季父同居聲相聞也甲自遠歸疑其婦欲試
之以所齋金置社廟香鑪中僞爲貧窶也者而歸婦事
之如初旣臥息乃以實告質明往取亡矣訟於官公至
其家廉得狀又知其季父故嘗謀鸞婦非端人必夫婦
密語爲季父所竊問晨往攫取之耳乃佯曰此當問之
神翼日使舁社廟神至問之不答以杖敲其頭有片紙

自神耳出曰攫金者其季父也其季父在旁失色叩頭服罪神耳中書實公偽爲之公發姦擿伏類如此然漱定後必申說以孝弟之義嘗有富民曹某死族人利其財訟其遺孤爲他人子願以金二萬爲壽孤之生母亦使言於公請倍之公皆不答判其子爲曹後而謂其生母曰汝主善士天與以一子豈他人所能搖然汝以數萬金賂我求勝何如以此贍族人上承先人之志下爲子孫計乎堂下聞者皆感泣嘉善故有陋俗喪家延僧誦經畢輒繼以絲竹男女襍坐聽之曰聞喪公嚴禁之遂絕縣城東曰張涇灣者東南鄉之民率往來於是舊

無橋梁公出錢爲倡遂成大橋至今便之俄以前在定
海時曾獲巨盜敘功升知州五年遷海甯州知州甫下
車卽修葺文廟創建奎星閣其治海甯如治嘉善方將
有所設施丁鄭夫人艱遂歸賃城外南鄉小屋以居九
年三月己未以咯血卒毀也年六十有一身後貧甚無
以治喪定海嘉善諸父老咸來弔且致賻而嘉善人思
公尤深咸云公已爲城隍神有爲不善者暴死則曰公
殛之也光緒元年嘉善人臚舉公政績上臺司請入祀
名宦祠巡撫楊公以聞 詔下禮部議從之公初娶張
夫人生子二曰儉曰侃繼配梁夫人生子世臨字次山

道光二十五年進士改翰林院庶吉士官至湖南巡撫
祀湖南名宦祠父子同祀名宦海內榮之儉之子峻侃
之子琪孫世臨之子桂孫頌孫俟孫炳孫秀孫皆以仕
學世其家

舊史氏俞樾曰先兄王甫太守與次山中丞同歲舉於
鄉而中丞又爲余詞館前輩晚年居吳下余亦寓吳相
善也中丞撫楚被吏議歸然楚之人卒俎豆而尸祝之
其居官可知矣中丞卒而其諸子猶以執友視余述其
母鄭夫人之命請余爲海甯君家傳余乃得備聞海甯
君遺事豈非古所謂政平訟理者與雖古循吏何以加

茲余乃益歎中丞之賢爲有自來矣

鮑公吳夫人合傳

鮑公諱某字嗣僑一字潤之號古村其先世東海青州人晉咸和閒有諱宏者爲新安太守遂家於歙傳四十六世至 國朝康熙閒有諱啓忠者自歙遷和州居梁山鎮遂爲安徽和州人曾祖諱偉字嵐皋見州志義行傳曾祖妣張祖諱暉字修亭祖妣沈考諱本泰字小山妣吳自曾祖以下至於公四世皆以公次子源深貴贈光祿大夫振威將軍曾祖妣以下皆一品夫人修亭公無子以弟之子爲子是爲小山公小山公生二子長爲